



Broj: 11-16.6-3191-7-3/15
Datum: 19.08.2015. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“, broj 39/14), a na preporuku Komisije za javnu nabavku u skladu sa Zapisnikom o radu komisije broj: 11-16.6-3191-6/15 od 11.08.2015. godine, u postupku javne nabavke roba: Hemijski proizvodi-Laboratorijski potrošni materijal, direktor Agencije za lijekove i medicinska sredstva Bosne i Hercegovine donosi

ODLUKU o poništenju postupka javne nabavke

Član 1.

Poništava se postupak javne nabavke roba: **Hemijski proizvodi - Laboratorijski potrošni materijal za LOT 3 – Ion par reagensi II**, iz razloga što nijedna od primljenih ponuda nije prihvatljiva – član 69. Stav (2) tačka d) Zakona o javnim nabavkama.

Član 2.

Za izvršenje ove odluke zadužuje se Kontrolni laboratorij i Sektor za finansijske poslove.

Član 3.

Ova odluka objavit će se na web-stranici www.almbih.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa zapisnikom o ocjeni ponuda u skladu sa članom 65. Stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-3191/15 od 18.06.2015. godine.

Javna nabavka je provedena putem otvorenog postupka.

Procijenjena vrijednost javne nabavke roba: Lot 3 - Ion par reagensi II za 2 godine, iznosi 4.273,50 KM bez PDV-a.

Obavještenje o nabavci broj: 5-1-1-111-3-22/15 objavljena je na Portalu javnih nabavki dana 26.06.2015. godine, a sažetak obavještenja o nabavci objavljen je u „Službenom glasniku BiH“, broj: 53/15 od 06.07.2015. godine.

Ponudaci koji su preuzeli tendersku dokumentaciju, te potvrdili preuzimanje sa internet stranice Agencije za lijekove i medicinska sredstva BiH:

- Semikem d.o.o., ul. Omladinska 44, 71320 Vogošća
- MEDIC BH d.o.o., ul. Fra. Anđela Zvizdovića 1, 71000 Sarajevo
- Sineks laboratorija d.o.o., ul. Vasilija Ostroskog 1, 78000 Banja Luka
- KEFO d.o.o., ul. Ćorovićeve 1A, 71123 I. Sarajevo
- Sloboda s.p., ul. Milice Stojadinović S. 6, 78000 Banja Luka
- Sors d.o.o., ul. Krajiških brigada 57, 78000 Banja Luka
- Lakmus BH d.o.o., ul. Armije BiH br. D6, 75300 Lukavac
- EURO LAB d.o.o., ul. Filipa Višnjića br. 22, 76300 Bijeljina
- Biomedica d.o.o., ul. Dr. Silve Rizvanbegović bb, 71000 Sarajevo
- AlphaChrom d.o.o., ul. Podgaj 8, 71000 Sarajevo
- MIKRO+POLO d.o.o., ul. Kolodvorska 11A, 71000 Sarajevo
- Sarajevo-farm d.o.o., ul. Hasana Brkića 2, 71000 Sarajevo
- MPS-Lab d.o.o., ul. Nedima Filipovića 12, 71000 Sarajevo
- AB MEDIC d.o.o., ul. Marka Marulića 2B/I, 71000 Sarajevo

Komisija za javnu nabavku imenovana je Odlukom broj: 11-16.6-3191-1/15 od 25.06.2015. godine.

Komisija za javnu nabavku dostavila je dana 11.08.2015. godine Zapisnik o radu komisije broj: 11-16.6-3191-6/15 od 11.08.2015. godine, koji je ujedno i izvještaj o radu Komisije. U Zapisniku o radu komisije se nalazi i izvještaj o ocjeni ponuda sa preporukom o poništenju postupka, u postupku javne nabavke roba: Lot 3 - Ion par reagensi II za 2 godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda, izvršila ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda pet,
- da je blagovremeno zaprimljeno pet ponuda,

| R.br. | PONUĐAČ | Cijena na (javnom) otvaranju bez PDV-a (KM) | Ukupna cijena na (javnom) otvaranju sa PDV-om (KM) |
|-------|---------------------------------------|---|--|
| 1. | SEMIKEM d.o.o. Sarajevo | 8.289,40 | 9.698,59 |
| 2. | MEDIC BH d.o.o. Sarajevo | 5.176,14 | 6.056,05 |
| 3. | MIKRO+POLO d.o.o. Sarajevo | 4.591,50 | 5.372,06 |
| 4. | SINEKS LABORATORIJA d.o.o. Banja Luka | 4.116,00 | 4.815,72 |
| 5. | KEFO d.o.o. Istočno Sarajevo | 8.335,36 | 9.752,37 |

- da je upućen zahtjev broj: 11-16.6-3191-5-1/15 od 05.08.2015.godine, ponudacu Sineks laboratorija d.o.o. Banja Luka, da pojasni pojedine elemente ponude u dijelu koji se odnose na ponudeni predmet nabavke, u skladu sa članom 68. stav (3) Zakona, kako slijedi:

„Na osnovu člana 66. Stav 1) Zakona o javnim nabavkama (“Službeni glasnik BiH br.39/14), dužni ste obrazložiti cijenu ponude za LOT 3 (Ion par reagensi II) broj:11-16.6-3191-3-5 u otvorenom postupku T.D. 11-16.6-3191-2 „Hemijski proizvodi – Laboratorijski potrošni materijal“, koja je za više od 20% (4.116,00 KM) niža od cijene drugorangirane prihvatljive ponude (5.176,14 KM), te se može smatrati neprirodno niskom cijenom. Ponuđeni su proizvodi firme Merck KGaA,Njemačka od strane oba ponuđača.

Bitno je naglasiti da drugoplasirani prihvatljivi ponuđač u tenderskoj dokumentaciji sadrži potvrdu o autorizaciji izdatu od strane Merck KGaA,Njemačka kojom se istoimena firma imenuje za autoriziranog distributera za područje BiH do 31.12.2015. Vi takvu potvrdu niste dostavili. Vaša obaveza je da pismeno dostavite detaljne informacije o relevantnim sastavnim elementima ponude, uključujući razloge ponuđene cijene.“

Navedeni zahtjev za pojašnjenje ponude, ponuđač je zaprimio dana 05.08.2015. godine, te je u ostavljenom roku dostavio pojašnjenje pojedinih elemenata ponude u dijelu koji se odnosi na ponuđeni predmet nabavke.

U navedenom pojašnjenju, ponuđač je dostavio ponudu njihovog dobavljača firme NOVOS d.o.o. Beograd iz Srbije, koji je zvanični distributer firme Merck Kga Njemačka za Srbiju (o čemu svjedoči pismo autorizacije u prilogu), a na osnovu koje su formirali cijenu. Kako bi dodatno potvrdili kvalitet proizvoda dostavili su specifikaciju za svaku ponuđenu stavku.

Na taj način je ponuđač Sineks laboratorija d.o.o. Banja Luka na zadovoljavajući način odgovorio na zahtjev za pojašnjenje ponude i dokazao da se njegova ponuda u tom dijelu, ocjenjuje kao prihvatljiva.

- da je uočena računaska greška u ponudi ponuđača Sineks laboratorija d.o.o. Banja Luka, na osnovu čega mu je upućen zahtjev broj: 11-16.6-3191-5-2/15 od 07.08.2015. godine da dostavi potvrdu računaska greške, kako slijedi:

„Uvidom u priloženu dokumentaciju i suštinskom provjerom sadržaja i validnosti dokumentacije ponude ponuđača Sineks laboratorija d.o.o. Banjaluka za

LOT 3 – ION PAR REAGENSI II

Komisija je utvrdila postojanje računaska greške:

- u stavkama broj 1 i 2 u koloni 12, u iznosu 1.646,40 KM, a treba biti 41.160,00 KM, i na istim stavkama u koloni 13, umjesto 1.926,29 KM, a treba biti 48.157,20 KM.

- u stavkama broj 3 i 4 u koloni 12, u iznosu 411,60 KM, a treba biti 10.290,00 KM, i na istim stavkama u koloni 13, umjesto 481,57 KM, a treba biti 12.039,30 KM.

- u ukupnoj cijeni ponude bez PDV-a, u iznosu 4.116,00 KM, a treba biti 102.900,00 KM, kao i konačne ponuđene cijene sa PDV-om, 4.815,72 KM, a treba biti 120.393,00 KM.

Na osnovu člana 17. Stav (5) Uputstva za pripremu tenderske dokumentacije i ponuda, dužni ste napraviti ispravku cijene, imajući u vidu činjenicu da se računskom greškom ne može smatrati jedinična cijena, te da se ista NE može ispravljati.“

Navedeni zahtjev za ispravku računaska greške, ponuđač je zaprimio dana 07.08.2015. godine, te u ostavljenom roku, dostavio pojašnjenje.

U navedenom pojašnjenju, ponuđač ne prihvata traženu ispravku cijene, te navodi sljedeće:

„Jedinična cijena po stavci bez PDV-a u ponudi br.176-1/15 se odnosi na cijenu jediničnog pakovanja, jer je stavka jedinično pakovanje hemikalije. Odnosno konkretno

za stavku 1 – cijena od 411,60 KM bez PDVa se odnosi na pakovanje od 25 g. Tako da će 100 g imati cijenu 1646,40 KM bez PDV-a, odnosno 1926,29 KM sa PDV-om. Isto je primjenjeno na svaku stavku u ponudi.

Prema proračunu u vašem dopisu, kao stavka uzima se jedinica mjere hemikalije, što u našem slučaju nije tako, jer nudimo hemikalije isključivo u originalnim pakovanjima, a u ovom slučaju originalno pakovanje je 25 g i ono predstavlja stavku.

Obzirom da je hemikalija u originalnom pakovanju i da nije moguće vršiti razvagivanje i prodaju hemikalije van originalnog pakovanja, jedina jedinična cijena koju smo mogli dati je cijena jediničnog pakovanja i stavka je jedinično pakovanje. Napominjemo da su u ponudi našeg dobavljača, koju smo vam dostavili hemikalije takođe ponuđene po jediničnom pakovanju.“

Dostavljeno obrazloženje Komisija ne prihvata, jer ne stoji tvrdnja ponuđača da je „stavka jedinično pakovanje hemikalije“. Stavka je ponuđena hemikalija, a jedinična cijena se izražava u odnosu na „Jedinicu mjere“, koju je ugovorni organ jasno naglasio u koloni 8, prije „Količine“ (kolona 9) i „Jedinične cijene po stavci bez PDVa“ (kolona 10), pa se množenjem kolone 9 i 10 dobije „Ukupna cijena bez PDVa“ (kolona 12), što samo u slučaju ponuđača Sineks laboratorija d.o.o., pored 4 ponude ostalih ponuđača za lot 3, nismo mogli dobiti. Da bi dobili ukupnu cijenu bez PDVa, u obrascu za cijenu ponude ponuđača Sineks laboratorija d.o.o., morali bi jediničnu cijenu pomnožiti sa brojem pakovanja, tj. sa brojem 4 (budući da je ponuđač za traženih 100 g naveo da nudi pakovanje od 25 g). Međutim, broj pakovanja nigdje u obrascu nije naveden kao jedinica mjera u odnosu na koju bi se formirala jedinična cijena. Naprotiv, ugovorni organ je jasno naglasio da je „jedinica mjere – gram“!

Kao potvrdu tome, na samom kraju obrazloženja ponuđač daje odličan primjer ponude njihovog dobavljača za istoimeni lot, koji ne može ići njima u prilog. Naime, navodi kako je i u ponudi njihovog dobavljača jedinična cijena ponuđena po jediničnom pakovanju. Istina je, ali, ne navodi kako je u navedenoj ponudi „jedinica mjera – pakovanje“, pa je opravdano da je jedinična cijena formirana u odnosu na jedinicu mjere, koja je u tom slučaju - „pakovanje“, dok je u obrascu za cijenu ponude ugovornog organa - „gram“, što nas vraća na početak argumentacije o odbijanju u kojoj Komisija tvrdi da se jedinična cijena izražava u odnosu na jedinicu mjere (što je uradio i dobavljač ponuđača), a da je stavka hemikalija ponuđena pod rednim brojevima 1,2,3...

Ugovorni organ je Obrazac za cijenu ponude pažljivo i jasno definisao na osnovu Uputstva za pripremu modela tenderske dokumentacije i ponuda („Službeni glasnik BiH“, broj 90/14), u kojem je za robe ponuđena upravo terminologija „Količina“ i „Jedinična cijena po stavci bez PDV-a“, što sadržava i pomenuti obrazac ugovornog organa. Time zaključujemo da dileme oko izražavanja jedinične cijene nije moglo biti, čemu u prilog govori i činjenica da su svi ostali ponuđači na ovom i svim ostalim lotovima (četiri ponuđača na lotu 3) izrazili jediničnu cijenu na način na koji je ugovorni organ to jasno definisao.“

- da ponude svih pet ponuđača nisu prihvatljive iz sljedećih razloga:
 - **ponuda ponuđača Sineks laboratorija d.o.o. Banja Luka je neprihvatljiva** iz razloga što ponuđač nije prihvatio postojanje računске greške, a Komisija nije prihvatila dostavljeno obrazloženje ponuđača,
 - **ponuda ponuđača SEMIKEM d.o.o. Sarajevo je neprihvatljiva** zbog formalno-pravne neispravnosti, te se ponuda odbacuje zbog toga što je ponuđač dostavio samo jedan Nacrt okvirnog sporazuma za sve LOT-ove, a ne uz svaki lot

kao što to Zakon nalaže. Osim toga i taj jedan priloženi Nacrt okvirnog sporazuma nije ispunjen, te ne sadrži nazive lotova na koji bi se Nacrt okvirnog sporazuma jednoznačno odnosio.

- **ponuda ponuđača MEDIC BH d.o.o. Sarajevo je neprihvatljiva** zbog formalno-pravne neispravnosti, te se ponuda odbacuje zbog toga što je ponuđač dostavio aktuelni izvod iz sudskog registra kojem nedostaje strana 2,
- **ponuda ponuđača MIKRO+POLO d.o.o. Sarajevo je neprihvatljiva** zbog tehničke neispravnosti (stavka 3 - ne odgovara koncentracija; stavka 1 - nije navedena koncentracija; stavka 1 i 3 - nije naveden "grade - for ion pair chromatography)
- **ponuda ponuđača KEFO d.o.o. Istočno Sarajevo je neprihvatljiva** zbog formalno-pravne neispravnosti, te se ponuda odbacuje zbog toga što je ponuđač dostavio Priloge II, IV i V koji nisu istovjetni originalima, nego su dostavljeni dokumenti nanovo kreirani i prekucani, s obzirom da su izmijenjeni u nekim dijelovima nisu u skladu sa važećim propisima o javnim nabavkama (nedostaju zaglavlja, dijelovi teksta...).

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za finansijske poslove,
4. web-stranica

5) a/a

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Велјка Младеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba

